

[Ataatsimiinnermi oqaluuserisassat](#)

Imm. 01 Oqaluuserisassat akuersissutigineri	3
Imm. 02 Qeqqata Kommunianni meeqqat inuunerissut pillugit paasissutissiissut	4
Imm. 03 Tamalaat	6

Ataatsimiinneq aallartippoq nal.

Peqataasut:

Atassut

Partii Naleraq
Malene Ingemann

Siumut
Evelyn Frederiksen, Ruth Heilmann, Frederik Olsen

Nalunaaruteqarlutik peqataannngitsut:

Nalunaaruteqaratik peqataannngitsut

Imm. 01 Oqaluuserisassat akuersissutigineri

Aalajangiineq

Akuersissutigineqarpoq

Imm. 02 Qeqqata Kommuniani meeqqat inuunerissut pillugit paasissutissiissut

Journal nr. 03.21.00

Tunuliaqutaq

"Qeqqata Kommuniani meeqqat inuunerissut"-ni akimortumik suleqatigiissitat arfinilinnit 2018-imi septembarimi oktobarimilu killiffissiuillutik ataatsimiipput. Oktobarip 26-ani kiisalu novembarip aappaani aqutsisoqatigiit ataatsimiipput.

Maleruagasatigut tunngavissat

Meeqqat illersuisuat aamma Meeqqat pillugit Siunnersuisoqatigiit pillugit Inatsisartut inatsisaat nr. 11, 22. november 2011-meersoq, kiisalu Meeqqat pisinnaatitaaffii pillugit FN-ip isumaqatigiissutaa 20. november 1989-meersoq.

Pissutsit atuuttut

2017-imi oktobarip 18-iani Meeqqat illersuisuata angalanermut tunngatillugu nalunaarusiaa tunngavigalugu, Qeqqata Kommuniani suliniut meeqqat inuunerissut aallartinneqarpoq. Meeqqat pisinnaatitaaffii pillugit Naalagaaffiit Peqatigiit isumaqatigiissutaat aallaavigalugu, nalunaarusiami innersuussuterpaaluit saqqummiunneqarput.

Nalunaarusiaq tamanut saqqummiunneqarneranit, Ilaqutariinnut Immikkoortortamit, Ilinniartitaanermut immikkoortortamit, meeqperivinnit, atuarfinnit, sunngiffimmi ornittakkanit, MISI-mit, Politiinit, peqqinnissaqarfimmit, nunaqarfinni atuarfinnit, nunaqarfinnilu meeqperivinnit inuttalerlugit suleqatigiissitat arfinillit, MIO-p innersuussutai sulissutigaat.

Akimortumik suleqatigiissitat taakku arfinillit nalilersuineri aallaavigalugit maanna suliniut pillugu ukiumut killiffik suliarineqareerpoq. Aqutsinissami atugassaq, aaqqissuussaannermi takussutissiaq kiisalu suleqatigiinnit tamanit nalilersuinerit takussutissartaat suliarineqarput.

Ataatsimut isigalugu suliniummik, akimortumillu suleqatigiinnissaq suleqatigiinnut piffissarnortarlunilu unammillernarsimasoq takusinnaavarput. Suleqatigiinni ilaasortarpaaluit ingerlatsinermik suliaqarnermik sungiussisimapput, nutaamillu eqqarsarsinnaaneq, suleriaatsimillu pitsanngorsaaniissamik eqqarsarnissaq ilinniartussaasimallugu.

Suliniutit pitsaasut arlallit ingerlanneqarput, arlallillu pilersaarusionerqaleruttorlutik. Taamaakkaluortoq suliniuterpaaluit suli suliarineqanngillat. (takuuk takussutissiaq)

Suliniutit qassiunerinik takussutissiaq (ilangussaq 1)

	Suliniutissat	Pilersaarutiginerqartut	Ingerlavoq	Nassuiaat
Suleqatigiit 1	22	9	7	Suleqatigiinni imaqarniliortoq allangussaaq
Suleqatigiit 2	27	14	9	Suliassat Sisimiut Maniitsullu akornanni agguataarneqarput
Suleqatigiit 3	16	5	2	Ataqatigiissaarisooq napparsimasooq, imaqarniliortoqaratillu
Suleqatigiit 4	10	7	3	Suleqatigiit imaqarniliortoqalissapput
Suleqatigiit 5	17	6	5	Ataqatigiissaarisooq tunuarnikuuvoq
Suleqatigiit 6	18	9	3	Ataqatigiissaarneqarnissaa amigaataanikuuvoq
Killiffik katillugu	110	50	29	

Suleqatigiit assigiinngitsutigit unammillernartitaqarsimapput, taamaakkaluartorli suliniutit 45 procentii pilersaarusionerqarput, 26 procentiilu innuttaasunit iluaqutissaallutik.

Atuilluartuunissakkut kingunerisinnaasai

Kommunip suliniutaa "Qeqqata Kommuniani meeqqat inuunerissut" pingaarnerutinneqarneratigut, Qeqqata kommuniani meeqqat inuusuttullu inuunerminnik pitsaasumik toqqissisimanartumillu aallartitsinissaannut ingerlallualernissaannut, inuiaqatigiinni siunissatsinnut atuilluartumik qulakkeerinneqataassaaq.

Aningaasaqarnikkut allaffissornikkullu kingunerisinnaasai

Suleqatigiit suliniutaat piviusunngortinneqassappata, aningaasanik immikkoortitsisoqartariaqarpoq. Suliniutinit 50-iusunut 17-it suleqatigiinnit suliarineqartut, ingerlateqqinnissaannut aningaasat amigaatigineqarput.

Ineriartortitsinissami suliniutit pingaarutillit aningaasasaqartinnissaat pillugu ataatsimoorussamik qinnuteqaasiortoqassanersoq eqqarsaatigineqarpoq.

Allaffeqarfiup naliliinera

Allaffeqarfik naliliivoq, pissutsit taamaakkaluartut suliniut ingerlallualereersoq. Suliniutit arlallit kingunerisaannik suleriaaseq pitsanngorpoq, ingerlatsinermilu suliat arlallit pitsanngornikuullutik. MIO-p angalanermini nalunaarusiamigut innersuussutaasa atuutsilersinneqarnissaat iluatsissappata, suliniummut aningaasasaqarnissaq qulakkeerneqartariaqarpoq.

Innersuussut

Ilaqutariinnermut Isumaginninnermullu Ataatsimiititaliaq innersuussutigineqarpoq ulloq 12.11.2018

Ilaqutariinnut Immikkoortup Ilaqutariinnermut Isumaginninnermullu Ataatsimiititaliamut innersuussutigaa

- meeqqat inuunerissut pillugit paasissutissiissut tusaatissatut tiguneqassasoq
- kommunalbestyrelsimut paasissutissatut ingerlateqqinneqassasoq

Aalajangiineq

Innersuussut akuersissutigineqarpoq

Suliniummut aqutsisut annertunerusumik tapersorsorneqarnissaat kajumissaatigineqarpoq

Ilanngussat

- 1) Suliniutip nassuiaataa
- 2) Suliniutip takussutissartaa
- 3) Aaqquissaanerup takussutissartaa
- 4) Suleqatigiinnit taakkunanga arfinilinnit naliliinerit

Sularisassanngorlugu ingerlatinneqarpoq	ØKU
<i>Sendt til videre foranstaltning til:</i>	
Assilinera/Kopi:	
15. november 2018	
Ilinniartitaanermut, Peqqinnermut Kulturimut Sunngiffimmi sammisanut ataatsimiititaliaq Uddannelses-, Sundhed, Kultur- og Fritidsudvalget Qeqqata Kommunia	
Annga Lynge Uddannelseschef	

Imm. 03 Tamalaat

HIV-mik tunillaassuineq pillugu paasititsiniaanerup sukumiisumik ingerlanneqarnissaa
tulleriaarinermi sallerpaanissaat ingerlanneqassaaq

Ataatsimiinneq naammassivoq nal.